



18 FEB, 2021

FAMA bantu atasi masalah lambakan nanas

Sinar Harian, Malaysia

Page 1 of 2



Ghazale (dua dari kanan) menunjukkan nanas morris Johor yang dipasarkan di Pasar Tani Jasin pada Rabu.

FAMA bantu atasi masalah lambakan nanas

MELAKA - Lembaga Pemasaran Pertanian Persekutuan (FAMA) akan memasarkan nanas morris Johor dengan harga RM1 sebiji bagi membantu petani dalam mengatasi masalah lambakan nanas.

Ahli Lembaga Pengarah FAMA, Datuk Ghazale Muhammad berkata, nanas morris Johor itu dijual dengan harga promosi sehingga masalah lambakan bekalan selesai.

Menurutnya, ia akan dipasarkan menerusi medium pasar tani termasuk Agrobazaar Kedai Rakyat, Agrobazaar Rakyat dan gerai buah-buahan segar.

Katanya, sehingga 15 Februari lalu, FAMA Johor telah membeli 118.17 metrik tan nanas morris bernilai RM60,207 dan kuantiti pembelian dijangka ditingkatkan sehingga 31 metrik tan melibatkan kos sebanyak RM31,000.

“Inisiatif ini susulan isu tular di laman media sosial mengenai lambakan nanas morris disebabkan pembatalan pembelian antara pihak

pemborong dengan pekebun mengikut jadual pengeluaran ditetapkan sebelum ini.

“Jadi FAMA Melaka tidak ketinggalan bersama-sama membantu memasarkan nanas morris di 17 lokasi Agrobazaar Kedai Rakyat, Agrobazaar Rakyat (3), kedai buah-buahan (12) dan pasar tani (12),” katanya pada sidang akhbar Program Promosi Nanas Morris Johor di Pasar Tani Jasin pada Rabu.

Isnin lalu, *Sinar Harian* melaporkan kisah pekebun nanas di Johor yang terpaksa menjual hasil tanaman mereka dengan harga RM1 sebiji bagi mengelakkan kerugian dan lambakan buah ekoran kekurangan permintaan.

Dalam pada itu, Ghazale berkata, pada permulaan isu ini, FAMA juga bekerjasama Lembaga Perindustrian Nanas Malaysia (LPNM) dengan mengambil langkah proaktif menawarkan inisiatif bantuan pasaran kepada pekebun terjejas menerusi pembelian bekalan bersama kilang pengetinan.



18 FEB, 2021

FAMA bantu atasi masalah lambakan nanas

Sinar Harian, Malaysia

Page 2 of 2

SUMMARIES

Ghazale (dua dari kanan) menunjukkan nanas morris Johor yang dipasarkan di Pasar Tani Jasin pada Rabu.

MELAKA - Lembaga Pemasaran Pertanian Persekutuan (FAMA) akan memasarkan nanas morris Johor dengan harga RM1 sebiji bagi membantu petani dalam mengatasi masalah lambakan nanas. Ahli Lembaga Pengarah FAMA, Datuk Ghazale Muhammad berkata, nanas morris Johor itu dijual dengan harga promosi sehingga masalah lambakan bekalan selesai.